

Ո Ր Ո Շ ՈՒ Մ N 346/6
/վարչական տույժ նշանակելու մասին/

«13» դեկտեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ՝ Արմեն Գրիգորյանս, քննելով Մամուկա Մամադյանի / անձն. 11AB92509, քաղաքացիություն՝ Վրաստանի Հանրապետության/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Վրաստանի քաղաքացի Մամուկա Մամադյանի անվամբ 18.09.2018 թվականի թիվ 05100033/180918/0000271532 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել LAND-ROVER RANGE ROVER մակնիշի, VV025TT պետհամարանիշի, 2003 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 18.10.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-իրավաբանի կողմից 23.10.2018 թվականին Մամուկա Մամադյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ LAND-ROVER RANGE ROVER մակնիշի, VV025TT պետհամարանիշի, 2003 թվականի արտադրության տրանսպորտային միջոցը 18.09.2018 թվականին Բազրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 22.11.2018 թվականին ժամը 15:00-ին, վերջիս ծանուցվել է ՄՄՕ մեջ նշված հասցեով:

Գործի քննությունը տեղափոխվում է և նշանակվում 13.12.2018 թվականին ժամը 15:00-ին, քանի որ չի ստացվել հետադարձ ծանուցումը:

Մամուկա Մամադյանի նկատմամբ հարուցված մաքսային կանոնների խախտման վերաբերյալ գործը ՀՀ ՄՕ 219-րդ հ. 2-րդ մասի համաձայն քննվել է նրա բացակայությամբ, քանի, որ վերջինիս գտնվելու վայրը անհայտ է:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 2884380 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 1499878 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության

համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Մամուկա Մամադյանի անվամբ 18.09.2018թ. թիվ 05100033/180918/00002271532 մաքսային մուտքի օրդերով ՀՀ ներմուծված LAND-ROVER RANGE ROVER մակնիշի, VV025TT պետհամարանիշի, 2003 թվականի արտադրության տրանսպորտային միջոցի ժամկետը ավարտվել է 18.10.2018թ.: Մամուկա Մամադյանը սահմանափակ ժամկետում չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով, չի ձևակերպել <<Մաքսային պահեստ>> մաքսային ընթացակարգով, ինչպես նաև վերջինս չի դիմել «Ժամանակավոր ներմուծում» մաքսային ընթացակարգի ժամկետի երկարաձգելու խնդրանքով:

Այսպիսով վարչական մարմինը քննելով գործում առկա ապացույցները գտնում է, որ Մամուկա Մամադյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Վրաստանի քաղաքացի՝ Մամուկա Մամադյանին ենթարկել վարչական պատասխանատվության՝ տուգանելով 749940 ՀՀ դրամի չափով:
2. Որոշման մասին հայտնել Մամուկա Մամադյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Ա. ԳՐԻԳՈՐՅԱՆ